

RÍKJARÁÐSTEFNA UM
AÐILD ÍSLANDS AÐ EVRÓPUSAMBANDINU

SAMNINGSAFSTAÐA ÍSLANDS

18. kafli

Hagtölur

Samantekt um samningsafstöðu

1. EES-samningurinn tekur til 18. kafla um hagtölur að hluta til. Ísland innleiðir og beitir stöðugt, regluverki sem varðar Evrópska efnahagssvæðið og fellur undir þennan kafla.
2. Ísland fellst á sameiginlega regluverkið sem varðar 18. kafla um hagtölur eins og það stóð 15. júní 2011.¹ Við aðild mun Ísland hafa lokið við innleiðingu á öllu regluverki, fram til þess dags, sem ekki hefur verið innleitt, að teknu tilliti til niðurstöðu samningaviðræðna í þessum kafla.
3. Ísland hefur þann löggjafar- og stofnanaramma sem nauðsynlegur er til að standa áfram að innleiðingu regluverksins í þessum kafla.
4. Ísland fer fram á aðlögunartímabil og sérlausnir vegna þessa kafla.

EES-samningurinn

Ísland hefur verið aðili að samningnum um Evrópska efnahagssvæðið (EES) síðan hann öðlaðist gildi árið 1994. Ísland hefur því tekið þátt í innri markaðinum í 18 ár og hefur innleitt alla viðeigandi löggjöf Evrópusambandsins með tilliti til fjórþætta frelsisins, sem og á öðrum mikilvægum sviðum á borð við rannsóknir og þróun, menntun, félagsmálastefnu, umhverfismál, neytendavernd, ferðaþjónustu og menningarmál. Eftirlitsstofnun EFTA (ESA) fylgist reglulega með stöðu Íslands gagnvart EES-samningnum og birtir tvisvar á ári upplýsingar um frammistöðu Íslands á innri markaðinum (e. internal market scoreboard).

Í þeim köflum sem EES tekur til hefur Ísland byggt upp löggjafar- og stofnanaramma sinn til samræmis við og til innleiðingar á regluverki ESB. EES-samningurinn tekur til 18. kafla um hagtölur að hluta til. Gerðir þessa kafla, sem falla utan gildissviðs EES-samningsins, eru reglugerð (EB) nr. 1059/2003 um að taka upp sameiginlega flokkun hagskýrslusvæða (NUTS), reglugerð (EB) nr. 638/2004 um hagskýrslur Bandalagsins um vöruviðskipti milli aðildarríkjanna, reglugerð (EB) nr. 1165/2008 um tölfræðilegar upplýsingar um búfé og kjöt og reglugerð (EB) nr. 31/2005 um þóknanir og lífeyri starfsfólks ESB.

Lagarammi

Lagaramminn er fyrir hendi til áframhaldandi innleiðingar regluverksins á sviði hagtalna. Efnahags- og viðskiptaráðuneytið eða Hagstofa Íslands, eftir því sem við á, annast innleiðingu

¹ Dagsetning síðari rýnifundar.

reglugerða Evrópuþingsins og ráðsins og ákvarðana og reglugerða framkvæmdastjórnarinnar, auk þess að hafa umsjón með uppsláttarbókum og handbókum um aðferðafræði á sviði hagtalna.

Lagarammi fyrir gerð hagskýrslna á Íslandi er settur fram í lögum nr. 163/2007, um Hagstofu Íslands og opinbera hagskýrslugerð. Samkvæmt þessum lögum hefur Hagstofa Íslands það hlutverk að skipuleggja og samræma opinberar hagskýrslur á Íslandi. Fullt sjálfstæði Hagstofu Íslands er tryggt með lögnum og að hún starfi samkvæmt bestu starfsvenjum og alþjóðlegum stöðlum. Evrópskar verklagsreglur í hagskýrslugerð voru birtar sem auglýsing í Stjórnartíðindunum og urðu þar með bindandi gagnvart opinberum hagskýrslum. Auk þess liggja til grundvallar lög nr. 12/1995, um vísitölu neysluverðs, lög nr. 42/1987, um vísitölu byggingarkostnaðar og lög nr. 89/1989, um launavísitölu. Hagstofa Íslands starfar enn fremur í samræmi við lög nr. 77/2000, um persónuvernd og meðferð persónuupplýsinga. Þá hefur Hagstofa Íslands sett sér starfsreglur um meðferð trúnaðargagna. Hagstofa Íslands gerði notendakannanir 2007 og 2009 og samkvæmt niðurstöðum þeirra telja notendur opinberra hagskýrslna frá stofnuninni þær nákvæmar og svara þörfum notenda. Niðurstöður úr jafningjarýni frá 2007 á vegum Hagstofu Evrópusambandsins, sem miðaði að því að leggja mat á það hvort Hagstofa Íslands fylgdi evrópskum verklagsreglum í hagskýrslugerð, staðfesti þetta álit.

Lög um hagskýrslugerð eru í samræmi við alþjóðleg tilmæli. Ísland **tekur þátt í alþjóðlegu samstarfi** og samstarfi um hagskýrslur í ríkum mæli. Samkvæmt lögum nr. 163/2007 leiðir Hagstofa Íslands samstarf við alþjóðastofnanir um hagskýrslumál. Mikilvægasti vettvangur samstarfs um hagskýrslumál er Evrópska hagskýrslusamstarfið sem myndar grundvöll fyrir þróun opinberra hagskýrslna á Íslandi. Ísland tekur þátt í samstarfi á vettvangi Evrópska hagskýrslusamstarfsins í samræmi við 76. gr. EES-samningsins. Hagstofa Íslands hefur samþykkt evrópskar verklagsreglur í hagskýrslugerð og tekur þátt í áætluninni um jafningjarýni. Hagstofa Íslands hefur safnað tölfræðilegum upplýsingum á helstu sviðum hagskýrslna í samræmi við regluverk ESB allt frá samþykkt EES-samningsins árið 1994. Hagstofa Íslands starfar auk þess í samræmi við grundvallarreglur Sameinuðu þjóðanna um opinbera hagskýrslugerð og hefur tekið þátt í fundum hagtölunefndar Sameinuðu þjóðanna. Enn fremur starfar Hagstofa Íslands í samræmi við evrópskar verklagsreglur í hagskýrslugerð og tekur þátt í hagskýrslugerð alþjóðastofnana, t.d. Efnahags- og framfarastofnunarinnar og Alþjóðagjaldeyrissjóðsins.

Flokkanir og skrár

Að því er flokkanir og skrár varðar eru helstu flokkunarkerfi hagskýrslna fyrir hendi og í samræmi við regluverkið. Hagstofa Íslands hefur samþykkt og innleitt að fullu **atvinnugreinaflokkun Evrópusambandsins, 2. endursk.**, í samræmi við ákvæði reglugerðar (EB) nr. 1893/2006 um stofnun atvinnugreinaflokkunar Evrópusambandsins (NACE, 2. endursk.). Hagstofa Íslands hefur í auknum mæli **flokkað framleiðsluvörur eftir atvinnugreinum** samkvæmt reglugerð (EB) nr. 451/2008 um að koma á fót nýrri vöruflokkun eftir atvinnugreinum (CPA).

Á hinn bóginn er engin **fyrirtækjaskrá** til hagskýrslugerðar fyrir hendi á Íslandi samkvæmt reglugerð (EB) nr. 177/2008 um að setja sameiginlegan ramma fyrir fyrirtækjaskrár vegna hagskýrslugerðar. Gerð hagskýrslna fyrir tiltekna geira er háð því að fyrirtækjaskrá verði komið á fót, m.a. hagskýrslur um fjárhagsmál á sviði landbúnaðar og hagskýrslur um þjónustuviðskipti við erlend hlutdeildarfélag (FATS). Hagstofa Íslands hefur gert það að forgangsverkefni sínu að ljúka gerð hennar og eru verklok áætluð 2014.

Hagstofa Íslands notar **alþjóðlegu starfsgreinaflokkunina** frá 1988 (ISCO-88) til öflunar gagna frá aðilum á Íslandi. Kröfum Hagstofu Evrópusambandsins er fullnægt með því að flytja gögn ISCO-88 yfir í ISCO-08. Þannig hafa gagnasendingar til Hagstofu Evrópusambandsins samkvæmt ISCO-08 verið í samræmi við regluverkið á öllum viðeigandi sviðum hagskýrslugerðar.

Samræmda tollskráin (ST-kóði) er notuð til að flokka vörur í utanríkisverslun og hagtölur um utanríkisverslun á Íslandi eru flokkaðar í samræmi við íslensku tollskrána, sem er 8 auðkennisstafa flokkun sem samsvarar samræmdu tollskránni að viðbættum tveimur auðkennisstöfum, en ekki sameinuðu tollnafnaskrána (SAT). Engin vandkvæði eru fyrirsjáanleg vegna innleiðingar vöruflokkunar sameinuðu tollnafnaskrárinnar.

Ísland tekur sem stendur ekki saman **hagtölur eftir landsvæðum** samkvæmt reglugerð (EB) nr. 1059/2003 um að taka upp sameiginlega flokkun hagskýrslusvæða í aðildarlöndum ESB (NUTS). Unnið er að samráði innanlands um það hvernig haga skuli flokkun Íslands í hagskýrslusvæði á grundvelli NUTS í tengslum við 22. kafla um byggðastefnu og samræmingu stoðkerfissjóða. Niðurstöður um æskilega skipan landsvæða vegna hagskýrslugerðar á Íslandi verða sendar framkvæmdastjórninni. Að lokinni ákvörðun um íslensk hagskýrslusvæði verða sendar hagtölur fyrir landsvæði eins og krafist er í regluverkinu.

Hagskýrslur fyrir geira

Hagskýrslugerð á Íslandi hefur lagað sig að regluverkinu að verulegu leyti. Hagstofa Íslands leggur fram ítarlegar tölfræðilegar upplýsingar um efnahagsleg og félagsleg málefni í samræmi við evrópskar verklagsreglur í hagskýrslugerð. Að því er hagtölur um lýðfræðileg og félagsleg málefni varðar eru tölfræðilegar upplýsingar um mannfjölda þegar að fullu lagaðar að regluverkinu. Lífskjarakönnun (SILC) samkvæmt reglugerð (EB) nr. 1177/2003 hefur verið að fullu framkvæmd og hið sama á við um vinnumarkaðskönnunina og lágmarkslaun. Hagtölur um félagsvernd í samræmi við reglugerð (EB) nr. 458/2007 hafa verið lagaðar að regluverkinu að fullu. Hagtölur um menntun samkvæmt reglugerð (EB) nr. 452/2008 eru í samræmi við regluverkið. Þjóðhagsreikningar fyrir Ísland eru lagðir fram í samræmi við reglugerð ráðsins (EB) nr. 2223/96 og áætlanir um vergar þjóðartekjur eru í samræmi við regluverkið en þó þarf að gera þar einhverjar úrbætur. Hagtölur um ríkisfjármál eru í samræmi við regluverkið en þó kann að vera að gera þurfi minni háttar breytingar á kvörðun og hið sama á við um hagtölur um greiðslujöfnuð. Jafnvirðisgengi er mælt og birt. Hagtölur um vöruframleiðslu (PRODCOM) eru að fullu aðlagðar regluverkinu, svo og hagtölur um þjónustuviðskipti. Hagtölur um sjávarútveginn eru að fullu aðlagðar löggjöf ESB. Hagtölur um flutninga í lofti eru í fullu samræmi við regluverkið. Hagtölur um upplýsingasamfélagið eru í fullu samræmi við reglugerð (EB) nr. 808/2004. Hagtölur um pósthjónustu eru í fullu samræmi við regluverkið.

Leysa þarf engu að síður úr atriðum á sumum sviðum tölfræðilegra upplýsinga um geirareikninga. Helstu ágallar sem framkvæmdastjórnin benti á eru á sviði hagtalna um landbúnaðinn auk fyrirtækja og úrbóta er þörf í tengslum við gögn um þjóðhagsreikninga. Þegar hefur verið gripið til aðgerða til að innleiða að fullu regluverkið á eftirfarandi sviðum.

Hagstofa Íslands hefur sett fram áætlun um að laga **hagtölur um landbúnað** að regluverki ESB að fullu. Helstu þættir áætlunarinnar endurspegla greiningu framkvæmdastjórnarinnar á helstu

eyðum á sviði hagtalna um landbúnað, þ.e. að ljúka þarf framkvæmd könnunar á nýtingu bújarða, endurskipuleggja hagskýrslugerð á sviði landbúnaðar í samræmi við regluverkið varðandi nytjaplöntur, mjólk og mjólkurvörur, búfénað og kjöt og áætlanir um og söfnun hagtalna um fjárhagsmál í landbúnaði. Ísland fylgir áfram áætlun um hagskýrslugerð á sviði landbúnaðar. Könnunin um nýtingu bújarða hófst í janúar 2011 og niðurstöður hennar verður sendar Hagstofu Evrópusambandsins í mars 2012 eins og krafist er í regluverkinu. Undirbúningur er hafinn að gerð hagskýrslna um landbúnað og fjárhagsmál í landbúnaði hjá Hagstofu Íslands með það að markmiði að taka saman gögn yfir hagreiðningana fyrir árslok 2012 og hagskýrslur um verð landbúnaðarafurða 2013. Starfsemi Hagstofu Íslands á þessu sviði hefur verið styrkt verulega. Ábyrgð á gerð hagskýrslna um landbúnað hefur verið færð frá Bændasamtökum Íslands og Hagþjónustu landbúnaðarins og er nú alfarið á hendi Hagstofu Íslands.

Eyður í **tölfræðilegum upplýsingum um fyrirtæki** varða fyrirtækjaskrá til hagskýrslugerðar, hagskýrslur um skipulag fyrirtækja og skammtímahagtölur. Hagstofa Íslands hefur sett fram áætlun um að innleiða nýjar aðferðir til að uppfylla kröfur regluverksins á þessum sviðum. Samkvæmt áætluninni getur Hagstofan sent hagtölur af þeim gæðum sem krafist er á þessu sviði innan tímamarkanna 2016.

Hagstofan hefur gert áætlun varðandi **þjóðhagsreikninga** fyrir Ísland sem miðar að því að bæta umfang og gæði þeirra. Helstu þættir áætlunarinnar varða gerð aðfanga og afurðataflna og taflna taflna um framleiðslu, gerð ársfjórðungsreikninga, að afla upplýsinga um alla geira hagkerfisins og fjármálareikninga og söfnun gagna um atvinnumál. Til að ljúka þessum verkefnum hyggst Hagstofan styrkja stjórnsýslulega getu sína að því er varðar gerð þjóðhagsreikninga, hefja gagnaöflun að nýju þar sem gögn skortir og bæta núverandi gagnaöflun. Einnig verður nauðsynlegt að endurskipuleggja geymslu gagna um þjóðhagsreikninga til þess að unnt sé að nýta gögnin með skilvirkari og samræmdari hætti og bæta almennt gæði þjóðhagsreikninga. Samkvæmt áætluninni hyggst Hagstofan uppfylla kröfur regluverksins á sviði þjóðhagsreikninga árið 2014 og mun þá vera fær um að senda hagtölur á þessu sviði af þeim gæðum sem krafist er innan settra tímamarka.

Aðgerðaáætlun og aðlögunartímabil

Fram kom við ítarlega greiningu að önnur svið hagskýrslna eru ekki í fullu samræmi við regluverkið. Til þess að ná þessu samræmi hefur Ísland þegar hafið kerfisbundna vinnu við að koma þessum verkefnum til framkvæmda. Gerð hefur verið **aðgerðaáætlun** og er hún sett fram sem viðauki við þetta skjal. Ísland hefur farið fram á aðlögunartímabil til 31. desember 2016 til að ljúka þessum verkefnum. Á þessu tímabili hyggst Ísland vinna kerfisbundið að og ljúka hverjum þætti áætlunarinnar í samræmi við tímasett markmið eins og mælt er fyrir um í aðgerðaáætluninni. Tæknilegar upplýsingar um hvert verkefni eru ekki lagðar fram hér en eru til reiðu ef fram kemur beiðni um það.

Fjármagn vegna framkvæmdar aðgerðaráætlunarinnar er tryggt og sett fram á fjárlögum í fjárveitingum til viðkomandi ráðuneytis í samræmi við tímaramma hvers verkefnis.

Intrastat-kerfið

Aðild að ESB felur m.a. í sér að safnað verði upplýsingum um viðskipti innan ESB um **Intrastat**-kerfið. Undirbúningur á Íslandi vegna Intrastat-kerfisins verður samkvæmt reglugerð

framkvæmdastjórnarinnar (EB) nr. 1982/2004, með áorðnum breytingum, en hún er til framkvæmdar reglugerð (EB) nr. 638/2004 um hagskýrslur Evrópusambandsins um vöruviðskipti milli aðildarríkjanna. Hafinn er undirbúningur að vinnuáætlun og fjárhagsáætlun fyrir þetta verkefni. Við aðild verður Hagstofan fær um að taka við, vinna úr og taka saman tímanlega gögn fyrir bæði Intrastat-kerfið og Extrastat-kerfið í samræmi við kröfur regluverks ESB.

Sérlausnir

Ísland fer fram á eftirfarandi sérlausnir vegna 18. kafla.

Ísland er einangrað eyríki með fremur einfalt flutningskerfi á vegum án vegtenginga við aðildarríki ESB. Þegar reglugerð (EB) nr. 1172/1998 **um hagskýrslur um vöruflutninga á vegum** var felld undir EES-samninginn var um það almennt samkomulag meðal samningsaðilanna að í ljósi þess að engar vegtengingar væru milli Íslands og landa ESB yrði vart um það að ræða að íslensk vélknúin ökutæki til vöruflutninga á vegum sinnu gestaflutningum eða flutningum yfir landamæri. Á þeirri forsendu var fallist á að veita Íslandi undanþágu frá skilum hagskýrslna um vöruflutninga á vegum. Aðstæður að þessu leyti eru óbreyttar. Af þeim sökum fer Ísland fram á að vera undanþegið skyldu um afhendingu hagskýrslna um vöruflutninga á vegum.

Samkvæmt EES-samningnum nýtur Ísland sérlausnar og er undanþegið skyldu um að framkvæma **könnun um starfsmiðaða símenntun (CVTS)** samkvæmt reglugerð (EB) nr. 1552/2005. Í könnuninni er krafist tvenns konar sundurliðunar, annars vegar á grundvelli fjölda fyrirtækja og hins vegar á grundvelli stærðar þeirra. Þessu yrði vart unnt að ná nema að gera könnun meðal nær allra stærri fyrirtækja og hjá stórum hluta lítilla og meðalstórra fyrirtækja. Þannig yrði könnunin í reynd könnun sem næði til heildarinnar en ekki til úrtaks. Í smærri löndum eru kröfur um svörun meira íþyngjandi hlutfallslega sem leiðir til þess að kannanir draga fremur úr samkeppnishæfi fyrirtækja í smærri löndum en í stærri löndum. Spurningar í þessari könnun um starfsmiðaða símenntun eru bæði ítarlegar og krefjandi fyrir svarendur. Þetta bætist við þá tilhneigingu sem er þegar fyrir hendi um að skila ekki inn svörum. Ísland telur reglugerðina óþarflega íþyngjandi fyrir fyrirtækin í landinu og stjórnendur þeirra. Af þeim sökum fer Ísland fram á að mega sleppa þessari könnun um starfsmiðaða símenntun.

Á Íslandi liggja almennt ekki fyrir eldri gögn og endurreiknaðar tímaraðir. Enn fremur er ljóst að þótt eldri gögn kunni að liggja fyrir á sumum sviðum yrði öflun þeirra afar flókin og jafnvel ógerleg þar sem gögnin eru brotakennd og almennt ekki nægilega ítarleg. Af þeim sökum fer Ísland fram á að mega falla utan þeirrar skyldu að afhenda **endurreiknaðar tímaraðir** vegna eftirtalda reglugerða: reglugerðar (EB) nr. 1392/2007 að því er varðar sendingu gagna um þjóðhagsreikninga, reglugerðar (EB) nr. 1161/2005 um ársfjórðungslega samantekt á ófjárhagslegum reikningum eftir haggeirum og reglugerðar (EB) nr. 295/2008 um hagskýrslur um skipulag fyrirtækja. Nánar tiltekið fer Ísland fram á að falla utan þeirrar skyldu að afhenda endurreiknaðar tímaraðir, sem hér að aftan greinir.

- Uppruna- og ráðstöfunartöflur (töflur 1500 og 1600) – fram til 2009
- Samhverfar uppruna- og ráðstöfunartöflur (töflur 1700, 1800 og 1900) – fram til 2010
- Ársfjórðungslegir þjóðhagsreikningar samkvæmt framleiðslu og tekjunálgun – fram til 2005
- Ársfjórðungslegir þjóðhagsreikningar samkvæmt útgjaldanálgun – fram til 1997

- Fjármálareikningar (tölur 610, 620, 710 og 720) – fram til 2003
- Geirareikningar – fram til 2000
- Vinnumarkaðsgögn samkvæmt þjóðhagsreikningaskilgreiningum – fram til 2005

Smæð íslenska ríkisins kann í vissum tilvikum að leiða til aðferðafræðilegra erfiðleika að því er varðar tímanleika, tíðni, sundurliðun og nákvæmni við gerð hagtalna (á einkum við um úrtakskannanir). Í því samhengi er vísað til sérlausna m.a. í reglugerð (EB) nr. 1158/2005 varðandi hagskýrslur til skamms tíma sem eiga í vissum tilvikum við stærðargráðu ríkis sem er að umfangi innan við 1% af heild ESB á viðkomandi hagskýrslusviði. Ísland fer fram á það að litið verði til smæðar ríkisins að því er varðar tölfræðilega þætti á borð við tímanleika, tíðni, sundurliðun og nákvæmni.

Stofnanarammi

Stofnanarammi til áframhaldandi innleiðingar regluverksins í þessum kafla er fyrir hendi.

Stjórnskipulag til að innleiða regluverk og áætlanir ESB á sviði hagskýrslna er í samræmi við kröfur ESB.

Hagstofa Íslands er, í samræmi við lög nr. 163/2007, miðstöð opinberrar hagskýrslugerðar á Íslandi og gegnir lykilhlutverki við skipulagningu, samræmingu og framkvæmd í því tilliti. Hagstofan annast einnig samstarf við alþjóðastofnanir um hagskýrslumálefni. Hagstofa Íslands er opinber stofnun og fellur undir efnahags- og viðskiptaráðuneytið.

Ýmsar stjórnsýslustofnanir annast að auki framkvæmd tiltekinna verkefna á sviði hagtalna, m.a. gagnaöflun og gagnavinnslu.

Fyrir hendi er þjónustusamningur milli Hagstofu Íslands og Seðlabanka Íslands. Seðlabanki Íslands aflar í samstarfi við Hagstofuna hagtalna um fjárhagsreikninga, greiðslujöfnuð sem og um þjónustuviðskipti við erlend hlutdeildarfélög (FATS).

Umhverfisstofnun Íslands safnar tölfræðilegum upplýsingum um úrgang í samræmi við reglugerð (EB) nr. 2150/2002.

Landlæknisembættið safnar hagtölum um heilbrigðismál og lýðheilsu.

Vinnueftirlitið safnar tölfræðilegum upplýsingum um vinnuslys og atvinnusjúkdóma og önnur vinnutengd vandamál og sjúkdóma.

Hagstofan hefur gert þjónustusamning við Orkustofnun sem annast gerð hagskýrslna um orkumál.

Stjórnsýslugeta og skipulag mun verða fyrir hendi til þess að standa að innleiðingu alls regluverks á sviði hagskýrslna við aðild.

Samþykkt regluverks ESB

Ísland fellst á sameiginlega regluverkið í 18. kafla um hagtölur eins og það stóð 15. júní 2011. Ísland fer hins vegar fram á eftirfarandi aðlögunartímabil og sérlausnir:

Ísland fer fram á aðlögunartímabil til 31. desember 2016 til að ljúka þeim verkefnum sem sett eru fram í þeirri aðgerðaáætlun sem fylgir þessu skjali.

Ísland fer fram á að falla undan skyldu um afhendingu hagskýrslna um vöruflutninga á vegum.

Ísland fer fram á að mega sleppa könnuninni um starfsmiðaða símenntun.

Ísland fer fram á að falla utan þeirrar skyldu að afhenda endurreiknaðar tímaraðir vegna eftirtalda reglugerða: reglugerðar (EB) nr. 1392/2007 að því er varðar sendingu gagna um þjóðhagsreikninga, reglugerðar (EB) nr. 1161/2005 um ársfjórðungslega samantekt á ófjárhagslegum reikningum eftir haggeirum og reglugerðar (EB) nr. 295/2008 um hagskýrslur um skipulag fyrirtækja.

Ísland fer fram á að litið verði til smæðar ríkisins að því er varðar tölfræðilega þætti á borð við tímanleika, tíðni, sundurliðun og nákvæmni.

* * *